



Isorliunerusuni nunaqarfinni nioqqutissatigut, kiffartuussinermi akitigut, aammalu pilersorneqarnikkut akitigut, qanoq oqinnerusumik naapertuunnerusumillu ineriartortitsisoqarsinnaanera pillugu Inatsisartut oqallinnissannik siunnersuut.

(Inatsisartunut ilaasortat Knud Kristiansen aamma Gerhardt Petersen)

Namminersornerulluni oqartussaanerup nalaani maannakkullu namminersorlutik oqartussaanerup nalaani ilaannikkut inuit tusartarpagut oqartartut kikkut tamarmik assigiimmik atungarliussasut. Oqariartaaseq ilumoortortaqarpoq. Anguniaraanni kikkut tamarmik assigiimmik atugaqassasut assigiimmillu pisassasut taava anguneqakkajuppoq kikkut tamarmik atungarlioqatigiilertarnerat atugarissaaratik.

Nuup kangerluani angalaaraanni allamut angallateqanngitsumut piffissaaneq ajorpoq. Tallimannorgnikkut sapaatiknullu angallatit tulleritaaat takussaajuartarput ilummut silammullu ingerlaartut. Ilaannikkut eqqarsartarpunga eqqissisimanarnerussagaluaqisoq suna tamaat uanga kisima angallavigisinnaasuugukku. Kisiannili eqqaasarpaa Nuuk inukinnerusuugaluarpaa taava filmeriartarfeqarsimanaviannikkaluartoq aamma kaffisorniartarfinnik assigiinngitsunik qiniataagassaqaqqanngikkaluartoq, thailandimiut ingaavinnik pisisinnaaviannikkaluartunga aamma allanik Kalaallit Nunaata illoqarfiisa pingaarnersaata neqeroorutigisartagaanik.

Uanga nammineq qinerpara maani najugaqassallunga, pitsaasortaqarpoq aammali ajortortaqarpoq, kisianni maani najugaqassallunga nuannaraara. Aamma nuannaraara nunami sumiluunniit nunasiffigisinnaasanni najugaqarama, apereqqaartariaqarnanga akuerineqarnissannut.

Demokraatini isumaqartuarpugut inuit ataasiakkaat namminneq annerusumik aalajangiisinnaassuseqartariaqartut. Suut tamaasa tamanut assigiissaraluarutsigit taava kikkut tamarmik assigiimmik atungarliuliinnassapput. Namminersorlutik Oqartussanit pigineqartut niuertarfiit inoqarfiit mikisut tamaasa pisariaqartitaannik pilersorpaat. Sooruna taamaaliortugut?

Pilersuisoq ullutsinni KGH-voq. Den Kongelige Grønlandske Handel. Atuppoq taamani suut tamarmik Københavnimi aalajangerneqartarallarmata taava Kalaallit Nunaanni inuusariaqarsimavugut peqqussutigineqartut malillugit. Avataanili aalajangerneqartartorpasusimasut ullutsinni Nuummi aalajangerneqartarput, kisianni Nuuk sorpassuartigut Kalaallit Nunanani inoqarfeerarpasuarput ungasissupilussuuvoq soorlu København qanga taamaassimasoq.



Sumiiffinni assigiinngitsuni akit qinigassallu qanoq ittuussaneri qitiusumit aalajangersarnagit, Demokraatini isumaqarpugut nunaqarfiit annermik aalajangiisinnaassueqartilertariaqarigut. Nunaqarfinni ataasiakkaani niuertarfiit nunaqarfinnit pigilersillugit. Nunaqarfimmiut taamaasillutik namminneq niuertarfitsik aqulissagaluurpaat.

Piffissanngoraluarpoq oqallisigissallugu namminersulivinnissaq qanoq isumaqarfigineripput. Pisariaqartippurput oqallisigissallugu qanoq isumaqarnerluta oqaraangatta nunasiaataagallernerup nalaani aqqissuussinerit nutartertariaqalersut. Pilersuisoq qangarnitsat amiakkoraat, ajornartorsiuteqarsimangaaratta eqqisseqatigiinnissamut ataatsimiititaliarsuarmut suliaritikkusuppagut. Soormi namminersornerulluni oqartussaaneq namminersorlunilu oqartussaaneq sioqqullugit qanga politikikkut pisarsimasut akerlerilluinnarsimasatta takussutissartaasa ersarinnarsaat piginiinnassavarput?

Qaqugu nunaqarfiit kiffaanngissuseqartilissavagut nunaqarfimminni pisunut nalinnaanerpaasut aalajangiisalernissaannut?

Tamanna oqallisigerusupparput aamma apeqqutaaginnassanngilaq nuna tamakkerlugu bananit qanoq akeqassanersut, assigiititsiniarneq piinnarlugu.